


TOPA IN MAANG TAWNTUNG HI



"Topa in uk a,
vangliatna kumpi
puan kisilhsak hi.
Topa, kumpi puan
kisilhsak hi. Topa,
kumpi puan kisilhsak
a, thahatna tawh
amah kidim hi.
Leitung kikipsak a,
kiling ngeilo ding
hi." (Late 93:1)



Phatna Late in leitung buppi ah Pasian i ukzawhna taangko hi. Amah in leitung ukna a nei khempeuhte' tung a kumpi hi-in leitung a teeng mi khempeuh a uk pa ahi hi.

Ukna a nei tampite-in Pasian ukna sanglo uh hi, ahih keileh tua pen langpan' uh hangin, Pasian in eite hong Piangsakpa, Kumpi'pa le Thukhenpa cihna kiciamna zui-in Pasian Thukham pen citak takin a len mi leitung mun khempeuh a om hi.



Piangsakpa
(Late 8; 100)

Kumpi'pa
(Late 97)

Thukhenpa
(Late 75)

Kiciamna
(Late 7; 105)


Thukham
(Late 25)

PIANGSAKPA

"Na nasepna, na bawlsa, kha le aksite, le na va vantungte ka et ciangin," (Late 8:3)

Pasian pen bang hangin leitung buppi i Topa ahi hiam?

Leitung pianma pekin
Amah omkhin hi: "nang in
atawntungin na om hi"
(Late 93:2)



Leitung pen Pasian
tawh kisai hi,
banghang cihleh
Ama' pian'sak hi
(Late 89:11)

Amah in pian'sak
nate tungah ukna
nei hi
(Late 29:5-8)

Pian'sak nate ngiat in
Pasian vaangliatna
kilangh sak hi (Late 8:1; 19:1)

Hih leitung a
beimang' zongin
Amah om
tawntung ding hi
(Late 102:25-27)

Minam tuamtuam
te bawl thak tawm
ahi pasiante sang in
vaanglian zaw tham
hi (Late 115:2-4)



Ih kiim-le-paam i et ciangin, minamte in
liatna nei hi ci-in kisang thei hi. Ahihhangin
late gelhpa in: "Topa in Pasian hi ci-in
ciamteh un; Amah in eite hong piangsak hi,
ei-le-ei a piang tawm i hi kei hi" (Late 100:3).

Eite-in Pasian pian'sak nate a keemte ihi hi
(Late 8:5-9). Amah bekin eite' piak a
siangtho pen biakna le citakna ngah huai hi.

"Topa in uk hi. Leitung lungdam henla, tuikulh neu
tampite zong lungdam ta uh hen" (Late 97:1)

KUMPI' PA



Leitung buppi ii Kumpi hi-in thuman'na le hehpihna tawh a uk hang
in Ama' ukna tawmno khat bek in sang thei hi.

Ahizongin, nungzuite-in Ama' thuman' a thukhenna deih uh hi (Late 97:8, 12). Upna tawh, Pasian mite in Khris hotkhiat nasepna tawh
Pasian gam phutna sungah lungdam kipaak in Ama' nihvei hongpai kik
hun ciangin Leitung gam tawpna ding a lamen uh hi (Dan. 2:44).

Vangliatna le hatna puanpi a silh kumpi ci-in Late in pulaak
hi (Late 93:1), khuavak in tuam hi (Late 104:2). Late genna
ah Pasian pen Kumpi ci-in banghang in taangko hiam?

Banghang hiam cileh Amah in Piangsakpa hi (Late 149:2)


Banghang hiam cileh Amah in Honpa hi (Late 74:12)

Banghang hiam cileh Amah in Leitung bawl hi (Late 96:10)

Banghang hiam cileh Amah in hehpihna nei hi (Late 98:3)

Banghang hiam cileh Amah in thuman' hi (Late 97:2)


Banghang hiam cileh van le lei in a mah phat hi (Late 148)



THUKHENPA

"A hun ka sehsa ni ciangin thu a manin ka khen ding hi" (Late 75:2)

Ukna nei Kumpi bangin, Pasian in Thukham piapa le Thukhenpa zong hi (Late 99:7; 7:11). Late 75 ah Thukhenpa' sepna le thukhen nasepnate in a sangpen dinmun ah kilangh takin honglak hi:



Thukhen' ding a hun pen
Thukhen mangpa in seh khin hi (Late 75:2)




Leitung a suksiat ma-in
minam khempeuh in
thukhenna thuak ding uh hi
(Late 75:3)



Thu khat a khen ma-in
Pasian in phawk sakna pia
in midiklote' kisik'kik na
ding a hunpia hi (Lt. 75:4-7)



Thukhenna tawpna ah,
Pasian in midiklote,
leenggah zu tawh a kidim a
hehna gimna hai buaksuk a
ding hi (Late 75:8)



Tua hun in, Pasian a phat
ding leitung ah a citak a bei
baang' om ding hi
(Late 75:9)



Atawpna ah, a kisiiklo
mawhnei mite-in tawntung
siatna thuak ding hi; mi
citakte in tawntung nunna
ngah ding hi (Late 75:10)



Thukenna thu a pulakma-in, Late gelhpa-in bang hangin Pasian tungah Lungdam hiam (Lt. 75:1)?
Banghang hiam cihleh, Pasian a it, eite' sungah a beel mite-in thu khenna lau nading omlo ahihman in, i mawhna a mai theihna in a lel ngeilo sitni in hong panpih ahihman ahi ahi (James 2:13; 1Jn. 2:1).

"Tho in, Topa, a hehsa-in thasaan inla, ka galte' hehna panin kei hong dal in. Khanglo in, ka Pasian aw, thukhen nading hun khat na sekhinzo hi!" (Late 7:6)

KICIAMNA

Thukhenna ah Pasian' mite in siang thakin suahtak a ngahna kician hi. Pasian in a mite tawh a kiciamna thu bulpuh hi (Late 105:7-8).




Aman' Abraham
le Isaac tawh
kiciamna bawl
(Late 105:9)




Israel mi ahi
Jacob tawh
kiciamna bawl
(Late 105:10-11)



Amaute tawm in a tha
uh neem ahihmanin,
Aman' keem hi
(Late 105:12-15)



Joseph tung
tawnin Israel
mite honkhia hi
(Late 105:16-24)



Sila dinmun pan
in amaute
suakta sak hi
(Late 105:25-38)



Sehnel gam
sungah amaute
kembit hi
(Late 105:39-43)



A kamciama Kanaan gam
leitangh ah teeng uh hi
(Ps. 105:44)



Kiciamna ii kiu khat
ahihna zui-in mite-in
thukham a zuih kul hi
(Late 105:45)

Pasian in eite Ama' thutanna tawh hongdal hi; Amah in eite, gitlohma sungpan hong honkhia hi. Ei' lampan in Ama' kiciamna sangin Ama' thukham-te zuih nopna lungsim neih ding kisam hi.

Pasian i phatna hangin, minamte' sungah kiciamna thu gen dingin eite hongsam hi (Late 105:1-4).

THUKHAM

"Ama thuciamna le a thupiak a zuite-a' dingin Topa' lampi pen itna kip le cihtakna ahi hi." (Late 25:10)

Kiciamna tawh kinai takin a kizom in "tecipannate" hi. Tacipannate in Ama Kumpi gam ii thubulpi ahi a mite in Pasian piaksa thukhamte le zuih ding thukhunte ahi hi.

Tecipannate in a kibang mun khat panin luangkhawm hi: thukham sawm. Thukham ahihkeileh tecipanna tawh kisai-in Late in bang hong gen hiam?

Late 1:1-3. Amaute-in ei hong lungdam sakin le gahpha sak hi

Late 25:10. Amaute-in hehpihna le thuman lampi ah hongkha hi

Late 93:5. Lungmuanna i ngah hi, banghangcihleh amaute kipkho

Late 112:1-2. Tuate in ei' innkuan adingin thupha khat hi.

Late 119:165. Amaute-in eite kilemna hongpia hi

Late 119:110. Gaalte thaang' ah i awkloh nadingin hongdal uh hi

Late gelhte in Piangsakpa, Kumpi'pa, Thukhenpa, kiciamna thuneihna le thukhampiapa ahi Pasian kiang ah hehpihna ngen uh hi. Pasian in ukzawkna nei-in a gen khempeuh ah citak ahihmanin, buaina lianpite sung panin eite in hih leitung ah lungmuang takin a om thei ihi hi.

**“Eite hong Piangsakpa in Ama piansom nate in amau deih teel
bangin septheihna suakta takin pia hi. Amah in minamte a
teel bang hilo-in Ama deihna bangin uk theihna nei hi. Ahi
zongin Amah in a gamhtat thukenpan hilo, gilo-in a kuhkal
leiba siik pa hilo hi. Ki-itna tuikhuk panin a kangh’ ngeilo
thuphate a piakhia mi ahi hi. [...] Eite-in Pasian hehpihna
khempeuh tawh kilawmlopi mahin eite’ man neihlo le diktat
lohna om mah taleh tua-in eite adingin hong dinpih hi.
Haksa takin a ukpa’ i khutnuai-ah Zeisu in hoihna tawh
kidim hi. Amah phatun. Nang ma mai-ah nang ma Pasian
pen pahtawi na pia un.”**

EGW (Testimonies for the Church, volume 5, page 314.4)